


太倉稊米集

頁八十二葉



太倉稊米集卷第三十四

詩五十二首

次韻季共遼齋夜坐三首

幽人懷故鄉
夜坐聽秋兩耿
不成寐悽亦
良苦酒白應自斟
茶甘為誰煮
喜意入寒燈
詩成看花吐
柴机焰短
繁玉蟲綴
釵股當亦念衰翁
秋風卧何許

寒齋秋意高
夜久群籟息
眼前無一塵
誰與共此席
平生樂虛曠
頗恠言不食
遙知高樹意
仰面看屋脊
秋蟲曾何知
悲鳴乱胃臆
君亦竟不



眠嘉月良可惜

露井飛彫梧碧月借秋色頗聞遭鼠輩此睡成

反亥君豈初鼠乎姑緩藁街磔我亦見事慣流

年反多歷誰能與此物更較勝負敵一笑謂狸

奴無乃尔不職

讀常莊浣花集戲題二詩

春風吹縵波一池付與蛾眉席上歌擬倩常郎

追正始風流猶不似元和

晚塘風月一番新弄粉調膏點注勻誰與花林

詩宰相聘將花藥作夫人

相之季共各攜李伯時畫軸見過分韻

得入字

人生不相知白頭反如新知心不在久覲面還

成親况我五字師二妙俱可入元龍百尺樓人

物誰與隣風流小安豐玉樹高嶙峋聯翩兩竹

輿訪我南坡春遂遣小叔雅娛此照坐賓叔雅昔人酒尊名

王春三月雨浸如游塵是日天為喜霽色明

清晨各攜古錦囊共出畫苑珍太丘重千載高

標澹風神丹鉛表丘壑制度殊冠中淵明擷秋

菊醉面玉色勻龍眠賦遠遊濯髮天地津二老

不並世異世真同論當年天廐馬調御皆服馴
絕域來象龍地行俱麒麟老眼閱神駿摩挲得
逡巡客意亦復悅飲我杯中醇尚苦江夏帖入
我幽夢頻倒篋僅有意叩門君勿嗔
文若自華亭攜家來遊西湖袖出新詩
其歸乃和前篇聊以當別
黃郎滿袖出新詩別後篇章欲造微老驥但含
千里意翔鸞還帶九雛歸如君好事真前輩笑
我為生盡昨非小別不堪頻作惡灞橋楊柳亦
依

次韻林察院賀章正言得子

海中仙果著新枝可是香山得子遲劉夢得和樂天詩有海中

仙果子生遲之句雛鳳遠從丹穴至神駒初出渥洼時平生

種德無遺恨它日傳家有是兒聞道長庚曾入

夢已應能作上樓詩唐人載李白襁褓中其家携之上樓問頗能作詩否即應聲作絕句一

首所謂不敢高声語恐驚天上人者是也

全一道人分似石芝味極平淡咀留牙

頰間良久乃甘而世罕有識者或云九

華山中亦有之

淡中得味世誰知晚歲因君識石芝甘蔗何曾

有佳境人間只好誑癡兒
自聞青壁是芝田心到蓮峯最上巔且覓微甘
供一笑海中無藥解長年

席間分韻送王季共得浦字

烏衣說諸王人物世足數至今有雲來眼色照
天宇誰知靜秀中有志良未吐時從雲夢曾噴
作秋江雨中郎騎生駒世亦號父虎才高公自
出步驟真接武名當在盧前意豈甘噲伍三年
隸工曹一舸轉江浦風流各雲散相見定何許
臭味苦無多酒行君竟舉

飛卿攜去臘書見過中有詩次韻

強着玄端與沐猴隨人依計偶乘流昔時來往
從三徑今日崎嶇念一丘千里回思家似夢十
年羸得鬢雙秋緇塵滿面君應笑京洛相逢只
自羞

題錢少愚四畫

一點傷春恨看成兩鬢霜如今無此夢莫畫兩

鴛鴦

浦鴛

一作東吳去回頭又十年可憐江上雪空落釣

魚舡

雪釣

事去空千載何曾有若人只應煙樹裏便是永

和春蘭亭

兩足三湘岸煙含七澤秋可能無尺地分得瘦

郎愁觀秋

隆茂宗鄙余所得蘇後湖像別為俚短
軸超然有物外意

高人本難名畫手不可俗世無癡虎頭丹青澆

冰玉支郎唾俗畫為我作短軸遂出三昧手現

此真面目衣冠有山林風味到僮僕悠々跨蹇

驢眇々出寒谷薄暮殊未歸落日下古木未知

適何門敲門看修竹無酒意闕然鴉夷尚空腹

長鬚頗解事歸騎不敢趣更復問前山誰家酒

堪澆

僕訪呂晞撲排岸方造舟翔鳶不及見

後數日有詩次韻奉謝二首

太常何敢醉如泥休沐相尋見亦稀倦着青衫

君未可老遮烏帽我當歸翔鸞寺裏停烟棹西

子湖邊看落暉安得劇談同一笑孤鴻六尺去

如飛

此生隨分本何知人品非高論亦早蚤歲囊書

羞傳暮年銜圃羨樊遲江卿去老多歸夢樂府
秋來得妙詞晞樸近示秋郊二章詞意古雅有樂府之遺風八節上灘休入句
巷姑載酒可相期

河鮑之美唯西施乳得名舊矣而未有
作詩者戲作此篇

吳王宮中半吳女選入吳宮歌白苧姑蘇臺上
看西施羞得紅粧不歌舞青絲龍髻雲剪衣玉
垂雙乳膚凝脂香羅對畫兩瀾瀾半約曾蘇人
不知迤來江魚新入饌西施乳入詩翁眼皦白
還驚春雪温細理不知燕玉軟坐中噉芻思昔

人未許八珍當禁鬻更將人乳作蒸豚可笑此
郎風味淺不如柱下風流張相君暮年飲乳不
飲醇帳中侍兒知有幾當時西子今未聞白頭
自笑竹坡老烹鮮誰餉杯中珍江瑤歛袂敢爭
席一尊薦我拋青春

寄秦峽州三首峽州書尾悼侍兒之亡
故篇末及之

當年淮水未歸時紫塞無塵玉座知今日臨邊
湏老手莫辭萬里擁雙麾
峽城真在楚雲間聞說年豐訟亦閑獠洞無兵

秋日永滿傾醴醕看青山

斷雲飛去舊陽臺無復襄王夢裏來十二峯前

何處是郡樓凝望想徘徊

吳中舟行口號七首自吳歸宣出守興國

白頭人自日邊來去國風帆破浪開已近玉樓

舡又去却回愁眼望蓬萊

兩入青秧水滿川吳儂相對話豐年時人盡說

吳中好看我蘇常買薄田

西來蕃使換羶裘渡海風帆入帝州醉裏宮花

紅壓帽千年今日記千秋是日舟次海昌道逢金使

當年戈甲過垂虹間說樓舡照水紅賊去烟波

已如鏡却還風月與漢翁

昔年誰此試青萍狼石中分劍氣精光焰未消

劉項起始知不殺是神兵虎岳有大石中斷世傳始皇試劍於此

久陪三館羸洲客屢拜蒼龍宰府茶更覓惠山

烹雪乳餘甘歸與故人誇

水從吳尾入湖流身到江南第二州故國舊友

應笑我十年飛雪上人頭

海昌舟中雨過晚涼二首

白板舡舡鐵裹頭吳歌聲在藕花洲故來急雨

歸何處和月吹涼入拖樓

卧随鷗鷺入荷香笑却蒲葵入晚凉凍雨釀雲

渡薄日舟添水送歸航

晚發吳江晚上姑蘇臺

掛帆早拍雪濤堆落帆暮上姑蘇臺天沉海嶠

鳥飛去雨入太湖雲不來西施白亭豈復唱吳

王故苑俱成灰誰能與子論許事倚欄共聽漁

歌回

登垂虹亭

雲水蒼茫共眇然眼看飛鳥沒蒼煙山園百雉

吳王國風急千帆震澤舟白髮飄流身已老斷

編零落事空傳誰將無色骨中畫貌取吳中萬

頃天

惠山泉二絕

石龍噴雪繞山斜桑亭祠開一幅紗只對清流

已無暑未論絕品解宜茶

山僧知我去息々旋印紅墜乞老翁擬喚人間

三昧手共分天上小團龍

僕歸自武林蒙舒元相徐美祖諸君皆

惠詩乍歸老倦未蘇姑以一詩為報聊

以塞後時之責耳

紅塵染盡去時衣
愁入雙蓬鬢髮稀
故國幾番隨夢到
長安十度送春歸
懶看烏帽朝騎馬
却噫黃紬晝掩扉
烏倦知還吾已老
會令雙鶴貼雲飛
相國風流元有種
徐卿苗裔固應稀
青衫好着君猶未
黃髮無多我合歸
清夢曉聽湖山雨
暮年猶借水邊扉
南來未是安巢鳥
擬趁西風着處飛

次韻元相閱猥藁見贈二首

無物能娛老
宜搜興
漫長數頸空
撫領一鞭與

誰香後山詩云平生一瓣香政為魯南豐
歲月搖雙鬢
鶯花惱客腸
更哦

秋入句聊欲伴歸將

挽得飛來句
頻哦送夜長
詩今逼何遜
人亦似黃香
擬答琅玕贈
慙無錦繡腸
秋風又撩客
啾唧動寒螿

次韻美祖用元相韻以廣後山之意讀之汗下媿不自勝

晉魏分騷雅
詩流本自香
應傳少陵鉢
莫注老僧香
俗眼無涇渭
從誰話肺腸
感君韶馥耳
來

聽菊籬將出

白壁光元在青雲路亦長
海夫從逐臭即暑會
含香唾玉分新句澆愁浣俗腸
從今秋夜枕露
草厭聞蟬

謁梅公墓

當年蠻錦織梅花此日蒼藤立
暝鴉句水碑殘
猶結家篆穎州兵亂已無家
何年有客嘗留劍舉
世知誰可作衙我舉一杯澆馬鬣
更從底處問
侯苞

王元東寄長篇病中未能和韻先寄此

詩為謝

白壁嘗遭按劍疑古來投分要相知
驚人未有平生句絕妙空昭幻婦詞
我亦去為庠阜客君
應多寄輞川詩來書更願寬陳債
八節灘舡上
水舡

次韻飛卿二首

赦黃新拜日邊書畫舸行游兩外湖
粗有微官如漫叟苦無高論似王無
江邊孤壘應千里天上神州夢九衢
物外故人今遠別固應憐我不
同塗

聞道州閑可讀書綠荷朱閣繞平湖慙非万里
青雲器未稱中興赤伏符來暮不應歌叔度久
窮聊免哭唐衢君當別我休辭醉我亦思君恐
問塗

將赴興國別同社五君子

歆傾杯酒話平生又解孤舟作晚行有友五人
那忍別去家千歲若為情一時但恐無耆旧回
海誰言有弟兄歸路若隨清夢到江南雖遠不
多程

宿能仁作時赴興國

吳颿送我作東歸雙玉重新見兩谿腳踏故鄉
猶未穩又攜十口過江西

僕將有江西之役證公老師自龍谿來

訪僕於郡下已而遂至春谷送別二首

兩翁投老各華巔往事重論亦黯然只有高情
無歲月相看依舊似當年

羸驂相逐犯風埃行盡千巖未肯回送我漳淮
三百里道人何止過谿來

過九華作

隔路仙凡歆問津馬頭空廠沒黃塵傷心不到

牛欄港九子山應解笑人

梅聖俞嘗為建德尉僕過是邑詢之果
然且言今有梅公堂在焉

百年遺像鎖寒廳氣壓長江賈尉輕誰道都官
能作識固應梅福自知名人猶能說當時事詩
亦懸知早歲成地下玉山呼不起可憐華屋謾
崢嶸

太倉稊米集卷第三十五

詩四十六首

夜宿堯城寒甚明日山中有薄雪馬上
賦二詩

剪水飛花點翠巒未教全放玉孌顏分明六曲
屏風樣和雪新描着色山

雲意悠、晚尚慳玉塵猶未破清寒不知誰把
千崑雪付與詩翁馬上看

梅山宗老惠近詩明日自山中來訪余
堯城驛

梅山寄我近來詩，便恐諸郎氣盡低。
雙并派中真法嗣，莫將輕比順闍黎。

參得詩中句外禪，頗知經歲杜禪關。
要須覲面親分付，不免煩君一下山。

過狄梁公墓

高妃王諸呂，漢鼎幾半傾。
絳侯入北軍，有意誅鯨鯨。
兵纏未央殿，血濺長安城。
祿輦僅誅滅，四海殊震驚。
唐家女主禍未可，方西京艾豎剪宗枝。
賊計殊未成，三思本么麼。
白面不足點舉朝，無真節但畏羅織刑。
梁公挾大計，赤手無寸兵。

為言不祔姑，禍止談笑平。
功比漢諸人，優劣不用評。
事苟以理勝，口舌亦可爭。
師曲舉必敗，勢力未易憑。
老婦雖至愚，理在見自明。
不然此危邦，詎可一言興。

琵琶亭二絕

舊事無人作短行，湓江空自繞湓城。
黃蘆苦竹依然在，猶替琵琶作怨聲。

捍撥難傳不盡情，琵琶聲裁畫寄琵琶聲。
風流掃地無人說，只有空江舊月明。

陪李使君登庾樓，是日雲霧不見淮山。

跨江雲夢不勝寬
樓在江聲汹涌間
試着坐中尋得句
說君眼力盡時山
樓前江水看鎔銀
江外淮山色未分
安得長驅鯨魚手
爲開南嶽嶺頭雲

九江趙倅新作環秀亭

小攜樽酒作清遊
尋得方壘最上頭
山在斷霞明處碧
江從白鳥去邊流
苦無健句爭天巧
賴有新亭慰客愁
它日東南論勝地
未應只數庾公樓

題東林香山像

大唐受曆三百年
文士輩出俱可傳
情雖嫵媚中骨鯁
當時只有香山賢
香山年少謫溘浦
卧聽琵琶心獨苦
想得回舟夜半時
半濕青衫淚如雨
別來江月幾番圓
黃蘆苦竹空淒然
風流掃地那復有
但見東風吹白鬢
可憐畫手無前輩
欲倩虎頭呼不起
瓊枝玉樹了無蹤
鐵撥鞞絃何用爾
明朝一舸下潯陽
月明依舊空江水

借書到興國

牢落徧州少士夫
一鷓求借是書無
道山堂外長廊下
黃卷如雲記石渠

課吏抄書戲作

雪花飛上白鬢鬚
繭紙摘抄細字書
莫笑老翁兒戲事
政緣長日要銷除

湖亭懷舊三絕

鈴索無聲訟牒空
妙香寮外水溟濛
長安故舊如相問
今在江西道院中

校書天祿想諸郎
應在蓬山語畫長
記得去年

秋七月日斜香轉曝書廊

白頭武部最風流
便是當時陳太丘
折角烏巾人似畫
與誰同伴兩山游

沈季卿出元具茨王相山詩卷相示兩

翁雖存沒異途而均為不偶讀之良增

慨歎為題軸尾

沈郎年少不勝衣
瘦甚由來政坐詩
試數交遊盡前輩
便知文采照當時
子猷何處尋脩竹
漫叟今誰弔舊祠
人似浮雲忽吹散
老夫雖健鬢成絲

寄題陳醫安樂堂山谷間四休居士之

言曰此安樂法也陳君蓋取是語以名

其堂

六塵欲要淨三摩辛若修行柰老何只得四休
安樂法一生受用已為多

自笑區區老倦遊廬山今是我菟裘暮年欲不見
安心法它日敲門問四休

送陳鄂州

舊識君家小仲容步兵今復此相逢誰教楚
青雲器來照鬢白雪翁廬阜故山休入望武
昌官柳正搖風只應黃霸歸朝日已在天邊尺
一中

憲明

憲明有斜日九靜無一塵尚復有餘恨亂鴉來
聒人

病起步至湖亭

兩從今日十分晴病後春應一倍增着地已無
殘歲雪掛簷猶有上元灯

薄羅初欲換單衣社肉裁分鷺又歸喚得春來
却催去滿庭紅雨杏花飛

病餘猶着杖藜扶臨水依然一老夫不用苦燒

紅蠟燭桃花解笑白鬚此鬚

吊梅

飛盡江梅泣雨枝韻高猶共雨相宜洗粧只有
唇紅在也勝桃花好面皮
傷心不見玉扶疎丹杏緗桃亦甚都只恐此君
零落後餘芳要自不如渠

春日連雨湖水大至二首

楚地春三月它鄉客二毛愁懷湏着酒寒力尚
欺袍細雨淹花濕顛風拍浪高昨朝紅藥柱今
日繫渙舟

白雨鳴珠琲春江灌玉壺漫郎回小艇摩詰畫
新圖山近醒愁眼州閑養病軀如何樽酒地更

與着南湖

秦少保生日詩三首

歲當作噩律始催杓攜龍角星紀回祥雲下西復
窮九垓帝車御極雲旗排夜色清潤明三能昂
精叱馭天上來上帝欲遣清風埃漢家雙闕高
崔嵬日趨龍尾朝蓬萊父師有鼎調鹽梅公贊
廟畫象允諧龍顏一笑天歡吟虎皮蒙甲卷不
開白玉彫俎尊有雷轟五風十雨無煙霧耀火夜
上通天臺禮成一代誰可偕功高欲報帝所懷
大用永配德與才壽而祝之言可該拍肩俱願

齊洪崖

跨黿昔上環洲山恍如夢見非人間黃金作屋
碧玉椽靈芝仙草香流泉琅函玉軸架插天神
龍守鑰秘不傳天書錯落御墨鮮泥金描鳳寶
帶纏中有紫府遐齡仙主張東壁宗象賢天風
獵獵吹廣寒霞漿酌客春晷暄藥珠琴心久精
研靈根堅固玉煉顏三官四輔誰可遷看公袞
繡當帝前拾塵筭劫不計年
右文天子朝明光漢陛曉列千官行罷朝不歸
按霓裳黃門徑炷經殿香翠蓋趣駕黃繖張日

高宮樹遶回廊侍臣進冊儼在傍香羅覆帕牙
籤長前規堯舜後三王六經龜鑑策最良聖心
自得者未嘗日有所就月有將公書萬卷胸中
藏海涵地負誰可當官鹿廳位下百執忙獨留真
儒侍紫皇茶甌拜賜近御床天顏咫尺瞻龍章
金華舊事不足方人如楮馬才亦常說言惟服
寧可忘設施行當見廟堂可使風俗還軒黃有
時問道崆峒鄉廣成之師壽而昌千有三百歲
未央

二月二十三日遵奉

聖詔出郊勸農謹賦詩一首示諸同寮
星言出郊坰緩轡遵微陰陂池湛新綠阡陌開
上腴春色嚮晚晚農事日已趨有司奉漢詔訓
辭宣帝謨父老數十輩龍鍾白鬚鬚扶杖前致
辭謂當極勤劬曩也事格關今皆反田廬農桑
遂溫飽里胥絕征誅茲焉不少力是自貽瘠臞
椒漿酌大斗起坐時歡呼有如一日蜡相期悅
須臾殷勤頗自媿小信殊未孚儻非獲三登何
以謝汝徒同寮數君子妙略懷永圖願言規遲
暮共此豐歲娛

次韻郭宰題妙香寮

香巖叅鼻觀可受卸人斤誰能論許事且挂松
爐薰借此沉水力侑我榘机文小閣亦窈窕青
煙散敷紛與人共婆娑此意良殷勤恨無博山
賦可寫蜀錦紋老人住江東來作江西雲江湖
渺歸思豈第無餘芬焚香作幽事此外何所欣
如人嗜昌歎豈復思羶葷令君出新語種學窺
多聞但恐燕寢句頗慙韋使君更當宿殘火薄
霧看氤氳

劉德秀縣丞凡五和前篇僕亦五次

其韻

劉侯一諾重勝獲金百斤秀句忽復出華名愧
 微薰但憐溝中斲枉費青黃文君欲強推轂誰
 當為解紛顧我絕世好百念獨此勤鵲尾得古
 製製鷓鴣玩斑紋鷓鴣箋語在香譜中時從孤巒頂看上秋空
 雲遂作小方寮調護留清芬忘言聊復爾會意
 亦可欣了知法界中清靜無五葷儻非此地勝
 是妙安得聞誰知机席間中有造化思遂此草
 水性一氣蒙氤氲
 楚澤足魚稻不論斗與斤老守睡足處飽飯聞

餘薰時歌卸人曲細和湘纍文天風一披拂花
 砌飛繽紛樂此晝日靜頗無終歲勤劉侯過我
 數坐久衣成致時驚燕麥句有似春空雲千年
 論往事一炷同清芬有客乃如此我意豈不欣
 人生如草木臭味殊薌葷海夫彼得趣妙香吾
 所聞度晷清淨化上答明聖恩從今世外樂可
 比洪崖氤

蔚宗草香傳水沉貴盈斤標置何必高有德當
 自薰士或稍蘊藉往々嗤斯文人生碩安用浪
 為此紛々我靜偶成趣君意良復勒摩挲辨款

識共玩古鼎紋青煙既司寒小孤方插雲

昭明大子博山

賦有青煙司寒之句而東坡沉香山子賦云象小孤之插雲

詩應神所授句與爐爭

芬懸知我輩事俗子未必欣不容芝蘭室雜以

蒿艾葦政恐千年後餘臭尚有聞唯憂青雲士

亟拜黃屋恩未知誰氏子肯對香氤氳

念昔居上國春齋賣作斤那得千金囊可買百濯薰一為道院主坐空朱墨文清笳咽悲壯濃

篆橫披紛幽意可略喜老倦復小勤詩如水得

風自然偶成紋香亦旋變滅頗類無心雲烝哉

兩松篇時出水麈射芬鏤冰納蔬腸淨洗三韭葦

敏手不可敵勝妙昔未聞豈不勝兒文唯二相

怨思人生如此少爐煙且氤氳

隱之刺五羊歸囊香一斤怒投湖亭水丙子無

餘薰欲草廉吏傳恨無班馬文此風一凋落披

靡如絲紛前身是香嚴宿習今尚勤爐煙凝寶

炷印篆緘彫紋嗜香猶有僻於世已如雲况今

花木妍香風度微芬節物豈不佳老况難強欣

太常齋日多十飯九不葷唯有鼻孔香時於靜

中間未知劉季和何如荀令君且當置是事一

笑同氤氳

蘇內相在黃岡嘗從桃花寺僧覓茶栽
移種雪堂下余始至此會歲且暮明年
春得新芽試之色香味俱絕不減湖越
二品宜其見賞於此老友也人言雪堂
今已鞠為館驛茶蓋可知矣

梅雪既掃地桃花露微紅風從北苑來吹入茶
塢中真香不可說玉色誰與同不知耐幾湯成
此三昧功願渚與日注名高各雌雄四海一大
地所至皆春風物固有不幸乃尔殊窮通此品
不見稱白雲空蒙茸移栽雪堂下賴有黃岡翁

來禽青李帖絕世無此工遂使桃花名遍滿江
西東此老久下世真賞殊未逢只今調粥手乳
花為誰濃堂今在館驛樹亦知何蹤樹固不足
惜館驛行當空

筠陽竹根枕

高安老竹三尺圍斷為釜甑中可炊蘄州開筍
不足數嶰谷截筒空自竒何如貓頭未成竹化
為霜根白如玉崢嶸勁節不得施歷錄黑斑空
滿目白頭老吏飽官倉雲夢南州睡初足筠陽
別乘一幅書寄我中刻兩枵腹飄飄逸韻青衣

即夢中相見筠山陽一笑摩挲撫君背定交從此毋相忘我欲問舍無何鄉為我往使華胥王人生草草兩鬢霜安知日月壺中長

四月五日早晴

老病猶朝朔華顛尚着冠馬頭收雨去湖面拍隄寒鳥作鄉闌語花如夢寐看晚來還倚杖看日下欄干

憶作西來夢猶堪細數程隨雲千里到看月五番生上以泊蠶宜暖瀕湖爰要晴天應憐病守有意在秋成

四月八日燕客湖亭久坐風雨忽來頗有波瀾意欣然悅之

水平真欲見秋毫碧海無人掣手巨鼉多謝西風卷煙雨肯來湖面作波濤

孤山十載飲湖光更入江西鷗鷺行官舍一生常近水前身應是水仙王

白雨跳珠水上鳴雪花吹浪酒邊生不嗔鷺子飛將去最愛鷓鴣睡不驚

千葉石榴盛開為賦一詩

江東五月榴花紅江西三月花滿叢東花管束

少態度回花重疊紅蒙茸誰翦燕支山下草乞
與殷紅照林抄移栽我欲過江東銜子鴻鵠今
成空紅巾半感為誰苦芳心何止千重，試遣
紅粧歌一曲此花此曲何由逢春光都無十日
事不成夜雨還朝風紅芳莫遣忽飛去斷腸煙
雨空溟濛

十六日對雨是日聞得濂溪地

大麥結穗牛尾長小麥滿地秋雲黃清澗堂下
今日雨中有廬山湯餅香故人喚我廬山住欲
買茅椽近廬阜得田於我復何求只就天公覓

甘澍天隨農父與陰晴雲共東風作朝暮山南
山北水長流下田高隴禾蕪數秫堪釀酒醉不
醒飯可充飢飽摩肚先生不管醉尉呵拄杖尋
山遶山去

太倉稊米集卷第三十六

詩五十二首

鼓鑿行

煙雨淒淒芳草渡隔岸鑿鑿賽神鼓男巫唱歌
女巫舞蚕宜青桑麥宜土天下無兵三百州不
如賣劍買汝牛千倉萬廩汝莫憂富民今歲新
封侯

午睡為流鶯作歌

擬倩花枝當綺羅更煩鶯作緩聲歌未殘春色
猶堪惜已老周郎柰若何

樹裏金衣不露身欲尋啼處了無因綠陰長得
成何事遽却黃鸝最惱人

江南草長亂啼鴛睡足南州得細聽最愛欲歌
還欲住伴人如夢亦如醒

寄黃超然監丞求山谷像

昔人生不恨幸識元魯山平生黃叔度常在夢
想間時於絹素中得見冰雪顏晚乃客京洛驩
孫始追攀眉目真似之典刑今未刊昔我在武
林歲月不得閑甚欲貌公像歸囊竟空還從
同寮家小軸得細看芒屨方釋杖野服不着冠
尚恐或非真蠹虫亦少殘謂言君家本可借不
作難願君呼畫史摹寫來江干孫郎傾蓋交臭
味同芝蘭能事亦須趣勿作水石悭君不相我
請幽興恐易闌

次韻沈季卿題醉山堂

看盡吳頭楚尾山不嫌心似鳥知還可憐樽俎
登臨處正在煙雲杳霽間地勝豈無神物護天
教付與老翁閑憑欄欲喚君來語家住寒溪第
幾灣

送呼延韓仲

人生何苦着儒冠心與功名了不干
早歲氣吞雲夢澤暮年身作灞陵官
欲尋故國今安在漫飲醕樽不當歡
老別相逢知幾日花鬢句在好重看

韓仲見和勸農詩有况此春欲暮温風脫花鬢之句語意俱勝

晚思

落日下平蕪回照東湖尾
牛從何處歸相隨度湖水
幽人倚欄意得月猶未已
白鷺知何為欲下還復起

送劉德秀赴官貴池

劉郎人物照當時未上青雲莫恨遲
秋浦江山

應似舊日藍田鴈鷺不妨詩
銷魂怕作文通別問事誰如伯始
知此去醉山梅欲動憶君同看雪
前枝

季卿惠詩頗寓窮愁之意作是詩勉之

君有篇章配國風技兼魁鼠固應窮
但令人似千金璧莫恨門深一丈蓬
北阮有生寧免俗蒙莊雖放亦求通
會看黃鵠摩霄去未可輕捉鷺
崔襲

秋意

江城木落又秋高
歸夢難成客鬢凋
擬倩西風吹雨去
莫來窻下打芭蕉

十月晦日即席見鵝梨

霜後新嘗澱齒泉
樽前風味固依然
自從北客無人到
不見鵝梨今幾年
魯酒謾傾猶病渴
并刀未下已流涎
從今莫覓張公種
釘坐雖多不當賢

題向司戶薊林圖

宸奎猶作麝煙浮
便艤歸航結小樓
何處訪求三島路
徑須圖畫百花洲
黃金殿裏鸚鵡夢
白

鷺江頭草樹秋天上
歸來輞川住世間
那有此風流

臘月二十三日即廳禱雪夜宿齋房趙

尉燈下送蠟梅

半昏燈火宿齋房
敬馬見梅稍破臘
黃夜靜月斜簾不捲
步虛聲裏得花香

正月十四夜以病在告雨中不寐示劉德秀

雨意泠泠客夢慳
病來無意近歌檀
看他紅袖頰春酒
分我青燈照夜寒
老子要非年少伴
醉

鄉空念故時歡懸心知鄴下劉公幹猶擁書檠午夜看

題李伯時畫歸去來圖

淵明詩成無色畫龍眠畫出無聲詩兩公恐是前後身二妙略殊今昔時我頃誦詩不知處今乃按圖俱得之當時想見歸意好扁舟颺水風吹衣壺觴未飲入室酒玉色先見迎門兒豈無故老說情話尚有殘菊依東籬雲歸鳥倦自有意欲辯忘言誰得知龍眼得之心應手筆所到處心相隨僮奴似有傲世色草木亦帶煙霞染

癡兒方辦公家事此老自扶南畝犁人生異趣豈不遠心如鐵石終難移我今此意不自了老去見畫空慙非

次韻范提幹二首

繡袞華貂侍禁宸忠宣遺烈在絲綸傳家父子俱仁孝蓋世功名孰比倫闕閤固知流派遠衣冠今見典刑新如公自是青雲器不作劉郎問大鈞
白頭於世亦何能欲賦歸來計未成盍博声名追往昔蔚宗文字慰平生風流易散嗟人事臭

味相求豈世情欲唱清歌送行客不知誰是米
嘉榮

客夢

客夢長千里官居已歲餘却愁花蕊動轉益醫
毛疎山氣朝朝雨江庖日日魚匡廬早歸去稚
子可籃輿

次韻強使君見寄

夢澤南州聽曉雞老號食於此寄朱麾春湖魚上
先分玉暗谷茶生看展旗鱒魚桃花茶皆此邦嘉物也酒甲江西
聊可醉山橫楚尾恨無詩富川酒年曲訟少知何

事時有光陰到楚詞

次韻黃叔魚見寄

江邊熟睡不聞鷄高卧何功尚擁麾千里西風
飽魚蟹十年驚魄夢旌旗名慙公瑾終焉用人
似黃香更好詩欲作報章無妙語楚歌唯有竹
枝詞

湖亭之勝大似江上但無蘆葦二月二

十日移植數十本

大年着色山前雨摩詰無聲句裏秋已是湖山
無限好更栽蘆葉伴輕鷗

杜鵑三首

甘王祠下杜鵑啼，
三十一口似君兩翼解高飛。

千秋但有一淵明，
俱此老都門誰祖二疏行。

窮甚亦須餅有粟，
知人意歸計應須與細論。

聞真如牡丹盛開，
記得東風隔水村，
偶逢幽艷，
鵲芳樽今年多病。

無行樂更怕春寒不出門。

春來花草盡開，
去年面可憐孤負玉風流，
愁風雨妨人懶出遊，
不見鞋紅。

謝王侍郎寄東倉祖送圖

都門供張記當年，
上客水晶宮裏地，
行僊鈴齋妙畫，
人間見相府，
珍篇海內傳，
錦軸牙籤渾未識，
忽隨雙鯉到江邊。

抗章聞說動前旒，
為盛事更尋雲水作遨頭，
當時鷺鷥應須記，
此去湖山莫謾留，
却笑杜郎生羽翼，
但知歡喜下

汀洲杜牧自少卿出守吳興當時有捧檄汀洲去全家羽翼飛之句

次韻李安州贈別

老來着處便為家行盡江西是水涯詩到說歸無限意山非吾土未應嘉我思故國方成恨君到東湖尚有花更欲少留聽句法公詩已似玉無瑕

次韻李安州紀贈二十韻

衣冠數人物伯仲高人間我於鴻雁行疇昔奉往還掛名華萼集遂爾不復刊暮齒慨晚晚得州近荆蠻恨公識面遲又復容追攀高風薄

雲漢秀句橫筆端乃知同氣中文采真班誰

將鄖城水換取蓬萊山要公撫凋氓天意豈等閑玉階有餘地行歸鳴珮環上殿不待久唾手

未苦難念我老已熟無鬢堪成斑江頭息三月坐見春物殘相逢喜傾蓋往事論險艱一飲未

徹席扁舟渡驚湍情鍾惜曷別曷別成永嘆可憐堂下水故作聲潺湲風流條雲散人生豈長歡願

公寄尺書細行句輕刪仍煩巧匠手着句鑄

堅頑

北湖暮春十首

北湖暮春十首

北湖暮春十首

北湖暮春十首

東君無意惜花殘，留得青山隔雨看。
不憐客綠陰成後，却春寒。

北湖看雨兩春餘，忘却漁村笠澤居。
猶是主今年鬚鬢不勝疎。

花到酴醾欲盡時，一春已是燕遊稀。
聽歌處乞與東風鷺子飛。

幾日春風自在顛，誰家相喚上鞦韆。
那堪雨不柰天寒更禁煙。

長安市裏人如海，靜寄庵中日似年。
花影轉小爐猶有睡時煙。

洛紅聞說爛如霞，應看青油密護遮。
供老眼使君頭白懶看花。

常郎詩淡少人傳，覓看仙書不愛眠。
新樣月撥灰重試古龍涎。

西施乳白魚供箸，樊素唇紅果薦新。
春腕晚旅庖猶足慰愁人。

落絮魚蹤草漸勻，最遲紅藥又成塵。
能歌舞連日春陰悶殺人。

驚梁夫婦幾時歸，養得新雛總解飛。
猶未去可憐人不似烏衣。

次韻元相題到花亭

從他白髮三千丈莫管人生七十稀滿載月明
歌一曲到花亭裏醉中歸

送李瑞昌

廬阜老人心古錐頗學子長多愛奇晚生恨不
見前輩一談往事神先馳龍眠人品似摩詰不
比老閻呼畫師往時就手閱神駿三馬就斃何
由追都人一日傳萬口後生聞此心懷疑諸孫
今喜典刑在此事頗從君得之吾皇仁聖重賢
士子孫必錄初無遺但令苛政不如虎會有善

最今天知黃紬擁被報政急桁楊卧壁催科遲
他年父老說遺愛為君磨石題蒼碑

余手植木芙蓉菜數十本山亭之下比聞

頗為群羊踐履

春去無花伴白顛旋裁紅艷照霜寒
柔柯去留作秋風一醉眠

送高仲思提幹

狝猴莫厭土牛遲天馬能行老更奇論事頗遭
官長怒潔身唯恐世人知簿書奔走應聊爾
閣飛騰自有時零落斷鴻誰是伴尺書何日慰

相思

送瑩老住灌谿

一年身寄水南村
誰把禪床一席分
去住隨緣本無意
道人蹤跡似孤雲
竹坡無物可關懷
只見青山眼為開
未識灌谿真面目
煩君看句畫將來

送楊師醇之臨安兼呈師古

家在湓城五老山
與君相望各江干
如何肯撥餘艖棹
便欲來同苜蓿盤
傾盞盡知今日意
買隣仍結異時歡
菊觴澆酒無離恨
淡榜除書看

二難

全弟登利師醇新除皆在末歲聊見篇尾

擬省題桂林一枝詩

晉祚傳千載
賢科重一時
擬橫金殿棟
先翦桂林枝
月窟根盤迴
壯煙巖雨露滋
孤芳寧有種
凡木自多姿
臃腫樗空大
風流柳漫垂
唯應太丘令
功德季方知

秋來久不作詩書所感

兩感足江濤
壯天含暮靄
低年華添老色
風物似年時
富貴渾無念
情懷不到詩
度秋無一語
已是俗人為

寄李安州未得別後書二首

未得安州信空添楚水秋
鴈寒飛不到江遠望
難休去國雙紅旆推乃家
兩白頭可能無一字外
慰老人愁鄂渚他時縣
江南盡處州平生求識
面此地忽同遊湖外公
開府江邊我上樓尺書
何日到能寄近詩不

太倉稊米集卷第三十七

詩三十五首

送富川秋舉五君子

雲衢欲上馬蹄輕莫問長安路幾程
雙劍竟須騰巨澤夜光元自當連城
偶因勸駕江邊日猶記臚傳玉陛聲
其前奔攝行承首司公事侍立殿陛職在臚傳
澹墨榜知何日出擬開春筵為君傾

收小兒科本書二詩因趣其歸

黃梅雨熟汝辭家數得秋風到藕花
書裏縣心知有歸日醉中不復問年華

廬峯今已卜菟裘
心共長江日
流莫待西風
彫綠草
速來隨我上歸舟

次韻強幼安中夫以僕築室
陳溪見寄
歸去來兮復幾時
臨流屢欲喚篙師
種秫有地
供飢腹
佩犢無人作
去思
偶着衣冠
真是夢倦
尋丘壑
已嫌遲
如今真在廬山裏
二妙堂成更

乞詩
僕所居山頂作堂下見
長江廬阜故号二妙

強幼安中大示樂聞過齋記以詩為謝

白壁摩挲未有疵
榜齋銘座尚防微
欲徒今日
求聞過故說
當年是昨非
言行固知無表襮
吏

民何處不思威
欲參函丈師
全德此去應須便
拂衣

題趙倅家獐猿圖

易生畫手妙
幻出猿與獐
雙猿掛樹枝
二獐回
目光烏衣白
面兩臂長
雌雄相逐爭
跳梁秋山
果熟腹自飽
雲磴路絕人
誰傷下臨長
嘯頗自得
那愁解舞緋
衣郎二獐
驚恠久
眦睨深羨
兩猿高據煙
林藏猿狙
喜怒不足
說獐鹿
町畦寧
無場枝高地
早能有幾
炫蛇自可
俱相忘
富貴
貧賤各有
適世間萬
事誰能量

雪中同上醉山

駕言陟前岡勝賞追良辰蒼黃慘暮色浩蕩飛
瑤塵冰花似有意娛我坐上賓但苦白模糊偶
失青嶙峋造物有奇事變滅無邊廵斜陽忽到
眼萬疊羅蒼岷戲從壺中天漏此色界銀沉乃
文字飲盡屬我輩人老守頗自媿繆許參冠中
念我千里行維舟在江濱雪既不可留跡亦恐
遂陳置之勿復道且飲樽中醇

送章使君守

竟陵章憲彥溥

長江盡處是吾州君去長江更盡頭短棹只添

行客恨清樽肯為故人留飽聽夢澤洲前雨却
望蒼龍闕角樓試問尺書何日到會須紅蓼白

蘋洲

金山貫道人跨水作亭余為名以枕流
亭成而僕欲去作二詩因以留別

聞說朱欄照眼新一溪清淺共誰分可憐橋下
無情水不遣龜魚識使君
與師同是一山雲吹落江西却再分聚散人生
俱似夢虎溪重過不煩君

食橄攬記客語

朔風吹玄雲欲雪愁江天煙靄駕海舶橄欖來
閩川客言似有理得失亦小偏紅鹽落青子嚼
玉宜芳鮮恨香苦未發遂雜春茗煎清香雖覆
椀翠潤殊嫣然香味元自若人何浪求全方言
田家翁好惡能兩捐一食輒苦口棄擲古道邊
回甘入齒頰拾遺止流涎撲質固可笑任真亦
良賢向來紛々者妄論誠可憐

次韻桂嘉任郎中贈別二十四韻

是身本遠廬誤得朱兩轡
却來卧江樓白鷗看
飛翻驚鴻卷西風吹落雲水間
江山相表裏字

宙殊恢寬但苦千種愁不供萬疊山幸茲洪崖
君仙馭超人寰一身聊復尔萬事不可干富貴
儻無求藜藿亦自安不須金鼎爐養此玉煉顏
紛々一回睇徃々俱冥頑有如盜跖手可鱸朝
飯所居之彼不疑念之我心寒公今梨棗成心
地無險艱橫湖僅一葦經月無寒暄昔為吏曹
郎今帶儒生酸繆從周旋間獲奉澹泊歡公已
聞大道我猶縛枯禪誰知數日惡忽有千里嘆
古道催行輶滿山霜葉丹仙凡自此隔無復相
追攀餘生幾何時白日飛驚瀉願公追松喬駕

鶴驂翔鸞我亦上五老舉首雲間看

題卷雪樓甘寧廟樓

三國英雄氣似雲江南只數故將軍借令馬上
身猶健應使中原鼎尚分謚冊屢霽新雨露斷
碑空說舊功勳斜陽萬里江如雪獨倚欄干酒
半醺

大冶山中有東方寺世傳東方曼倩嘗
讀書於此寺後有聖泉凡邑人之乞子
於此者隨願輒得僧慧滿住持十載無
日不醉癸酉冬十二月之吉跌坐示寂

九日而色不變人皆携酒來酌師至暮
必頽頽泚頽狀如醉人然其事甚怪金
山貫道人將赴東方之請於其行也戲
作三詩送之因紀其事使刻之山中以
傳好事者

先生自以滑稽雄何事偷身入漢宮跨鶴乘鸞
本無定安知不到此山中
平生着酒滿葫蘆醉上禪床不用扶更把醅顏
驚世俗方知肉眼是凡夫
誰為靈泉易感通解令少婦却愁容道人應為

衆生說此事如何着得儂

遊香嚴得小室甚温而潔坐客皆言雅
宜聽雪各賦一詩

鵲尾煙橫不卷簾莫嫌好客坐無氈道人此室
知何用留與衰翁聽雪眠

曉發永城時任滿得祠

跨鞍不作永城留馬上煙銷霽色浮便恐羗廬
來入望此行今日是江州

瑞昌道中梅

我昔西來野梅發今歲梅花似前臘流年別我

誰肯留衰鬢羞花不成折昔日非今是未必然尺
短寸長何足說到家淨洗客衣塵猶有羗廬中
山雪

時宰生日樂章七首并序

某嘗觀漢孝武在位既久心喜太平凡一草木
一飛走之瑞間見迭出旋命詞臣作為樂章載
在史謀人到于今猶稱誦之太初四年獲宛馬
作天馬之歌元封二年芝生甘泉作齊房之歌
元狩元年獲白麟既作朝隴首太始三年獲赤
鴈則又作載象瑜然是數物者特以鳥獸草木

之珍羽毛品類之異遂見紀錄不知其何補於
治何益於人何功於宗廟社稷而稱述歌詠之
如是其至邪為人臣而有大大功德於天下人主
倚以為安危四海視以為治亂陰陽調和四夷
馴服教化修明天墜昭格曠古以來耳目之所
未嘗見聞者乃反不得紀之樂章被之金石曾
千里之馬九莖之芝與夫一麟一鴈之不若豈
不毀譽失實冠屣顛倒大為可笑哉仰惟上穹
垂祐聖相聿生八表蒙休群蒼贊壽聖天子自
我作古加以寵恩錫之燕喜蓋無所不用其至

為天下賢士大夫號能援毫者誰不作為歌詩
踴躍自獻則頒明詔命詞臣寓勲德于樂章告
成功于上帝為有日矣某猥以一介辱在坵陶
白首得官十年之間內職編摩外專城壘栽培
枯枿造化餘生蓋將援甲子於泥塗以補山林
之歲月則某佩太師公相之恩華嶽不足方重
滄海難于擬深周視此身念無以報唯歲以斲
斲之詞而祈喬松之壽區區自謂其殆庶幾焉
重惟大德日新陳言屢出不變故常始終一律
重章復句人所厭觀輒敢易為樂章七疊雖不

能望班孟堅司馬相如輩于萬有一他日朝廷
設採詩之官以採歌謠設裨官以求里巷之言
或將有取焉尔至若宣后中興之臣如仲山甫
方叔召虎之徒功德光華見于烝民崧高諸篇
則必有其人矣詩曰吉甫作誦穆如清風固所
願見而十九章之詩則義有關未之與也

樂賢臣章第一

毫后出莘野興一德懋三能明歲在午月嘉平
鼓坎、玉簫鳴醉厭、椒醑馨閱萬古所未聞
贊說像、堯文盤誥出德爵尊閱萬古所未聞

依日月慶風雲等翼翼奉義軒願公壽兮錫
公齡

忠貫日章第二

六親和孝慈不出國道昌忠臣不立躄公節秋
霜粟繫公忠貫白日河洛腥黃霧塞泉鏡鳴群
姦集靡然而從中不怵忠臣飲氣義士戰主在
與在公不屈茫、沙漠萬里天渺、歸航海中
檝公之歸天為悅願壽公兮報公節

回瀾章第三

歲在昔時否厄河陽狩滄海渾將憤驕霸棘分

盜連行兵蜂屯公次策擴霧零豐承剗群羊奔
佩橐鞬朝帝闈姦氣龍言聖道尊三綱明萬室歡
帝藉功永不刊願壽公兮公永安

單于朝章第四

單于朝流沙暨天降康神樂只坐法宮聖天子
稽唐虞刺六藝屬大儒明古義金支張玉帛制
告太平備熙事天馬徠渥洼至朱鳥徠翔九陞
願壽公兮報公治

歌泰和章第五

馬牛歸文軌同洛邑宅神丘崇神光流耀火通

君車駕歎郊宮君車回帝澤豐神無娛景冲融
俗阜康君樂雍願壽公兮報公功

泰一徠章第六

排天門羅萬戟升三陔祠泰一旗幡，鼓吸，
降赤霄下瑤席泰一徠景既佳來歲三登連八極
五臣相宇宙一神所臨罔不吉神言歸恍兮惚
願壽公兮報公德

榆中章第七

榆關以北一騎不馳孰窺漢月燧息烽夷塞草
春榮夷氓負犂九州萬井風恬俗怡血屬相保

母父子妻既續厥嗣亦活其族幾憶萬千維德
所施仍雲來自弔天之報之壽之福之劫塵可數
此報何期

登元次山新祠

人物推前輩風流自一時空憐滾滾溪水還繞漫
郎祠君已新華屋吾猶續斷碑誰當知此意應
有少陵詩

過劉道士菴壁間見梁竑父蘇季文

詩因用其韻

高卧何由雨墊中閑門聊此寄閑身長生自是

君家事白髮應憐我輩人多釀醉鄉千日酒豈
知浮世十朱輪重來却踐山中約猶有桃花一
半春

定居二首

時已卜築九江

久作懷鄉夢今年拚不歸奉祠猶得粟見客已
忘衣憑机看舫過開門任燕鳥飛皇天憐老病留
此着柴扉

扶病翻書卷移家枕斷城雲空千嶂曉門靜一
江橫葉密催春事花飛惱客情暮霞將霽色報
我作山行

傷春二首擬近體

越羅初欲替茸裘二月輕寒比麥秋潘老凋疎
空惜鬢庾郎憔悴不禁愁催歸燕子春何限打
盡桃花雨未休誰遣少年隨夢去不教人似柳
風流
一幅輕紗老秃翁半簾疎雨着東風長條柳伴
短條舞深色桃欺淺色紅愁思但知嫌酒薄客
情終不似春濃盡將黑海無名障付與邯鄲
枕中

再賦傷春二首擬近體

豈料餘生兩鬢皤廬峯猶得共婆娑昔年身作
南柯夢此去心如古井波官冷故人書不到日
長齋閣睡還多文園雖病猶堪酒傳語風光奈
我何

潯陽江上聽琵琶買得江天且寄家帶雨衝泥
看燕子隨風着地數飛花人來裹飯何妨病客
去張羅亦自嘉還了世間無限債却修香火老
生涯

客自富川來言湖水已到萬波
昔年喚客飲湖邊猶記湖天五月寒白鷺翻空

歸杳雷謁驚濤卷雪到杯盤鯤鵬水擊乎三千里雲
夢曾吞八九寬想得柏堤春漲滿又吹飛雨濕
欄干

太倉稊米集卷第三十八

詩四十三首

寄章復州

春來未得復州書流落他鄉我獨居今日離群
天際鴈昔年同隊水中魚遙知賣劍方成俗想
得追鋒便賜車擬約琵琶亭下月伴君一醉復
何如

南窓植竹數百竿後數日蔚然俱青客
問種竹法作四言以告之

平生寡友形影相吊與君結交相視一笑四方

萬里動靜險夷我唯子求子必我隨聿來湓江
屋廬既正相子攸居我室乃定得子之宮于窻
之南風莖兩葉蔚其鬚人言死貓可引活竹
貓死地虛根行竹綠又言無法移必竹迷仍標
其根以識東西區百說何乃多事在眉睫
初無妙理穴地成坎碎土如篩沃以斗水和之
成泥置竹其中實之以土土燥潤久可月不雨
逮其兩來竹既已成熟不受暑寒不變青嗟哉
此君以節自負如遇君子理宜調護君欲問法
無法可傳併以告子俾知竹賢

九江初識水仙

七十詩公稱鬚已華平生未識水仙花如今始信
黃香錯剛道山樊是一家
天香不染鹿射煤煙家近龍宮室藏邊世上鈿華
無一點分明真是水中仙

新作布裘二絕

青裘短袂瘦軀長拄杖橫檐古錦囊
變畫形容人不識家僮應恠賀知章

少日無心佩紫囊
一生求衣葛是衣裳但知野服
尋山便不學唐裝又晉裝

近時士大夫衣冠制度往往有
效二代者謂之唐裝晉裝

吳傳朋即中自出新意作遊絲書妙絕
一時士大夫皆賦詩為作數語書軸尾

公孫舞渾脫長史妙心畫老兵塗帶墨中即出

飛帛得法自所見豈用規疇昔隨人作書奴終

與古人隔游絲最無事何止但百尺游絲二字前人語中無及此者

唯歐陽公有游絲最無事百尺拖清光之句飛來若有態吹去忽無跡使君

看青天意外得新格映空疑有無着紙互絡繹

神機殆天授至技非人績遂令一絲輕可掛千

鈎石聊將畫汝雖幻出蟲網壁我雖不解書好

書乃成僻公如儻有意能事不敢迫

傳朋為作游絲小軸報以長句

竟陵老守尚書郎平生墨妙規鍾王會今夜鬼

助奇崛更與遊絲爭短長遊絲忽從天際落洗

眼熟視無毫芒癡兒着意吹不起春風無力難

飛揚草雖號聖亦可到此品入神誰復強使君

憐我頗知好五十六珠投夜光溪藤搗紙滑勝

玉古錦縫囊牢祕藏要造張顛與醉素不敢與

公分鴈行

讀司馬長卿傳

楊雄新著草玄書却笑相如賦子虛借使曲終

方奏雅比君符命復何如
病起節物可驚効柳子厚

病起忽數日杖策周吾廬
桃花手新栽小紅今
欲舒萱草未出上苗葉
將扶疎物變乃如此光
景難踟躕退自觀我生
今形復何如夢前黑垂
鬢夢後霜入鬢安得萬
丈繩縛此窻間駒先生
可笑人為生本田叡晚
汗琳館粟俾代南山耒
皇恩浩如海臣報終難
虛老力雖不足閑日幸
有餘願炷金鼎鑪日誦
琅函書跪祝望天門聖
壽如居諸

紙帳二首

雪帳垂空萬事休
醉來高枕竹猫頭
不知金谷園中障
輸與儂家幾百籌
荆王翠羽衾中夢
太尉銷金帳裏歌
若比道人銀色界
雖無歡笑亦無魔

秦觀文生日詩三十韻

寶祚開蒼籙炎精表赤符
乾坤歸聖統廊廟得
真儒事借帷籌定顛
沈漏刻扶兵銷九節
度儀肅五單于意與
神明會功知傳記無
公師隆化道嗣相協
神謨世業垂餘慶
天心究永圖貂冠

親日月玉座接都俞自可均調鼎猶謙謝秉樞
槐庭何日見繡袞幾時行大府連薨棟翔鸞踵
步趨侏離將入賀蠕蠕盡交孚光耀三台宿喧
騰百雉都傳呼鳳尾諾道守從火城驅隔坐恩由
古同朝禮固殊位雖仍亞保望久在中區藝籍
明經殿文星照石渠諸生咨典故列辟奉規摹
往歲方平難斯民稍避胡大臣俱宿德四海盡
夷塗効已知無敵天應信不誣他年各安堵此
日記垂孤雲篆祈千載霞漿賜百壺中人傳詔
旨東閣擁金朱舊物歸龍榜歡聲徹海隅一門

題陳大卿三徑堂

天為喜萬里物比自蘇寒士勤推轂和春入朽株
恩嘗蒙草木才不補唐虞只有祈年頌持為報
德珠第慙床下拜雲嶠隔江湖
一身和影共婆娑看盡人間兩鬢皤要好只銷
長閉戶便開三徑已為多

曉晴

瞳矓曉色上簾旌吹盡江頭滴雨聲百歲一生
常苦惱三春幾日好晴明從他落絮隨人去但
起青山放脚行尚有詩鵬新鼓吹滿推乃樽酒聽

黃鶯

楊得臣見和曉晴長句用韻奉酬
西風獵獵轉紅旌吹盡春霖點滴聲曉送楚雲
歸隴去夜看淮燒隔江明舞狂恨我無長袖句
好送君得短行擬為新晴歌一曲誰將此調付
鶯

再酬得臣

詩翁老去得雙旌慣聽清漣夜雨聲清漣水到
潯陽心獨喜雲開廬阜眼先明落花已是春三
月飛蓋猶堪酒數行寄語草玄意下客忍令辜

負曉啼鶯

再酬得臣

歸心何事等摧旌叔起能詩近有聲豈料安從
如夢寐不知風雨過清明柏浮我自堪娛老矍
鑠誰應更請行此去定交君見許為歌伐木賦
鳴鶯

再酬得臣

上冢初無善可旌歸來和雨聽江聲自憐老眼
昏花甚乞得晴窓夕照明蓮葉繫舟驚水滿魚
須拄頰看雲行君能看屐時相過猶有殘春一

兩鶯

再酬得臣

何處籠街引旆旌老翁高卧聽鷄聲看花強起
尋章曲謂帝空思入大明有興時彈流水調無
情懶賦麈人行青春別我誰為伴只有能歌綠
樹鶯

再酬得臣

隨綠南北似風旌飽聽波濤處一聲今日園花
風裏盡到時江月雪中明雖無格磔鈞輶語尚
有嬰姍勃窣行九江春晚尚有遊人誰餞東君淋歌管琵琶

絃上轉春鶯

奉酬晁強伯見和晚晴長句

元祐文華捐綵旌金沙別乘有家聲天教雲彩
歸何處詩共晴光欲闕明已闕山前山後雨尚
堪水北水南行不應文石班中客肯伴章郎賦
曉鶯章蘇州樂府有曉鶯曲

奉酬晁元采三和前韻

見賢殊未柱千旌叩户先聞剝啄聲春去鳥啼
千樹暗雨餘花落一窻明新詩已得前人法病
足難遊逸驥行何日長安君得意看鞭閑听上

林鷺

曹庭堅待制罷帥成都歸江南以用中
唐人六十家詩見遺作長句為謝

三月瞿塘峻江水萬里歸來蜀都帥盡收五十
四州書畫舸連檣當歌吹有唐文士幾千人文
不逮漢詩則異開元天寶光焰長慶元和殿
唐季化入寶奩脂澤中亦自風流有能事六十
餘家三百年天遣遺風未全墜青衫昔日同舍
郎老傍人間百無意將焚筆硯技輒瘡未說風
騷心復醉公嘗許我能篇章遺以斯文慰憔悴

徒令後學羞捧心誰與前賢共
聯轡為公隱几抱殘編聊伴青奴引朝睡

雨中讀韓致光詩偶池上鹿葱成
開因効其體

曲欄干外水平階池上朱扉繞翠苔燕子飛來
人不到鹿葱花在雨中開
彫盡朱顏白盡頭種花本為欲忘憂誰知花上
煙和雨添得周郎一段愁

天中節日謂告不赴贊祝擬王仲初
小臣拜舞奉千秋勅賜宮花憶滿頭今日江邊

揩病眼五雲東望帝王州
吾皇一出萬方春自合傾心祝至尊乞得養
病閑地祿此生尺寸是君恩

題畫蛺蝶小扇

花裏飛來粉翅踈香羅扇上得形模只綠容易
無人愛但說滕王蛺蝶圖

題小扇

小扇題詩墨色新碧紗囊剪藕絲句月圓常在
織手不用添蘇拂暗塵

池蓮初着數花

數枝臨水見纖娥新採紅藍染襪羅傳語薰風
莫吹去且容留眼看凌波

富水軍治有巨澤往歲荷花滿湖郡守

歲取荷葉可買百千一日曝之湖濱大

風吹卷飛數十里頃刻俱盡又採葉者

頗以為苦瀝膏油以毒之逮僕至閱兩

歲無一花今年結茅於此穴小池植數

十根而花已可現因感前事遂書之

湖邊老守湖是家湖光十里蒙寒沙我來不見
花如錦但聞荷葉飛天涯小池今無十許步晚

兩亦開三數花人生樂事無多少可意應須隨
分了

題呂仲反寓安堂

事如昨夢本來空正在黃梁一熟中到處隨緣
是安樂人生何地有窮通飛花不對東風舞霜
葉空憐醉面紅只恐他年終未免傳家重說小
申公

翦松毛作小棚以詩落成

東堂坐甑遭炊蒸西簷烈日方騰炎官張傘
火漸熾烏承渡河雲不興五官大夫有遺種十

八公自分雲仍羲和揮戈不可却卸匠翦毛歸
作棚南風颭瑟出餘韻怒龍奮迅蒼鬚昇香來
鼻現過一雨便恐水麝終難勝天公割此一席

地付與老翁聊曲肱何時快著短齒屐信手自
拖南山藤卧聽松風滿山雨去作水邊巖下僧

五月二十四日晚雨忽晴浴罷獨卧池
亭雲峯奇峭出天東南既久方散

張虹截天雨初斷孤月翻光上銀漢忽從海底
出三山就中蓬萊最奇觀黃金塗闕射日光白
玉飛欄入天半青童舞女各般女姆手執雲幢影

凌亂想得神清洞府君應務春皇侍香案群飛
白鶴徒爾為化作蒼狗何勞看神仙出沒不久
長碧落天宮豈容玩荆王曉夢只須史神女乘
鸞逐雲散人間幻化無不尔空復歎一長歎
老人假寐忽奔頭但見明星光有爛

五月憫雨頗聞飢民弄兵於嚴衢兩州
間三十韻

長天望油雲搗黍待甘窪一雨有豐凶死生分
旦暮頗聞兩州民巖谷多嘯聚有司幸眼前白
羽急追捕斯民如嬰兒慈母仰調護豈容使之

飢而反貽以怒救飢當未然為食頃早具不雨
三月餘開口久待哺岳牧事燕遊傲睨曾莫顧遂
令出偏師往勤遠戍人亦甚畏死階亂豈無
故漢有大司農為國最知務誰知部使者出納
及堅固輸金買朝糧僅得鳥一喙尚尔各弗予
民隱獨何懇幾何不為盜悔過苦無終富兒家
多金封財亦良裕捐金誅子錢切骨被疽蠹開
糴不肯售叩門如蟻附忿氣生一時萬死有不
懼政坐守宰癡申令若不素有能出萬斛官為
復常賦大或旌義閭小或賜朝舖民情非木石

豈不遵勸諭歲事小不登
彛倫坐成歎無良二千石
萬事成繆誤况乃六月師
金甲困暴露天道有報施
人情均好惡會當明誅賞
典刑正王度庶幾令遠氓
自此出沉痾

初居之見過僕出未歸
明日作二詩為謝家近平
湖草樹青幾年於此寄高
情有時亦為衰翁出誰道
龐公不入城

不見前賢畏後生一聞君
語為心傾如何却得高軒
過重聽門人說老成

郭寬字居之尹和靖門人

雨後極涼簡竹坡四君子

江城夏六月雨相早草木
黃稽首文殊帥駕言天
池陽為乞一斗水普救千
里傷微雲生寶髻法
雨徧大荒霈為一尺霖
化作三日涼老人不耐
暑內熱煎中腸吹以碧
落風灌以甘露漿我有
方丈室彩牓名妙香呼
我四君子聊與之徜徉
朝憑共烏几夜宿同方
床永結無情歡此樂殊
未央榮瘁不改觀死生
知有常豈不賢俗子與
世隨低昂翻手覆手間
此道寧久長願我四玉
友永言不相忘

七夕 并引

七月七日與客語七夕事因記葛稚川神仙傳
載王方平會麻姑真仙於蔡經家事甚恠以謂
自古詩人辭客必因風露淒清之夕而叙牛女
相見之期凡援筆而賦七夕者皆托兒女之情
以肆淫媒之言瀆蠱天星無補真教使人間異
事泯默無聞良可痛惜因律稚川之文而為之
歌以廣其傳云

七夕相逢說牛女晉魏以來傳樂府金冠玉帔
照靈河不見此身聞此語何如當日兩神仙空
中一別五百年五龍駕車各異色萬里乘雲未

九天麻姑女子十八九青絲作髻瓜為手擗麕
薦酒進行厨撒米成砂只回肘為言東海將揚
塵蓬萊水淺無升斗蔡經得道心尚兀背痒自
速方平鞭上界真仙足官府牛女之說真茫然
綵樓對月誰家倩更就天孫乞針線何不苦學
麻姑仙養取紅顏如玉煉
僕所居蓋濂溪先生之故基也有井清
甘而寒先生嘗以比谷簾今為路人所
及余當為作亭號濂溪泉而為之銘今
未暇也

山下清泉古甃寒百年誰為發幽潛可憐昔日
供茶鼎曾與先生當谷簾

夢行西湖梅花下

久把西湖作故鄉至今清夢到湖傍分明昨夜
經行處一色梅花十里香
春雲收盡忽斜陽夢裏梅花帶雨香却上小舟
誰是伴回頭只有擢舡郎

太倉稊米集卷第三十九

詩三十六首

食芡有感二首

雞頭子熟客新嘗流落空嗟各異鄉紅線綠荷
香裏夢十年燈火記錢塘

翻香引睡一胡床剝芡尋詩度日長若得長閑
了無事人生如此亦何妨

書初居之家小閣

李渤築長堤三千五百尺為我絕平湖遂識柴
桑宅高人淡無營小室自生白倚壁橫兩床並

生可回客時開蒼蠅館不獻蝸牛賦誰知湖尾
山抱負縈水石繁陰庇芳姿收拾在九席天地
本高明曾次有寬窄固應世外境頗與俗眼隔
我欲為君留兩意良霖霖脈對眠分小窓夜語要
當劇會須携弓被來更待風雨夕

次韻都倅題趙崧老家竹間聽雨亭

西來倦客厭飄零一見宗枝眼為青世事絕知
塵外少雨聲更在竹間聽鏗如曲奏江邊瑟清
伴風鳴塔上鈴想得荊州都別駕詩成幽夢曉
初醒

曉雨用都倅韻

亂敲簷瓦曉初零聲入孤燈影半青枕上有詩
因雨得窓間無客對床聽翠光洗出山千疊金
色添成菊萬鈴收取新涼歸酒盞莫將雙眼為
愁醒金鈴菊又
名萬鈴

夜雨再用都倅韻

半世常愁夜雨零斷腸無復鬢絲青又將舴艋
舟中夢移入梧桐葉上聽涼吹漸欣歸枕簟好
詩那更似鑿鈴欲知多少江湖興病眼無眠徹
曉醒

夜聞驟雨枕上二首

星斗闌干雲翳銷黃昏猶未有微颺誰將枕上
三更雨捲作錢塘八月潮
山南未作小徘徊坐想奔流萬壑雷三峽橋邊
風雨樣先將此識入詩來

季夏極暑正晝草木俱萎獨吾坡上數
君子玉立蒼然傲睨自得豈杜少陵所
謂脩竹不受暑者乎

烈日當正晝長天無一雲草木失顏色萎蕪困
燒焚陽春始用事庶類爭芳芬小草最無名羅

生費鋤耘凡花頗矜持隨風弄餘薰一朝值炎
酷爾輩徒紛、蒼、不改操唯我坡上君脩莖
粲碧玉茂植歌屯雲有如獨醒人不受麴蘖醺
如彼至人者自與世俗分八火且不熱况乃逢
朝昕小人柔弱姿難與君子群

送吳甥歸秣陵

人生良苦不自知三折肱乃成良醫老夫年少
不知此請為甥也今言之平時頗喜詩有味晚
乃竟坐寒無衣人言詩成本無用小技止可謾
小兒一聞斯言寢不寐晝欲棄去無子遺人皆

見之唾不顧汝乃掇拾歸何為前年行都子訪
我值我偶得南州麾汝之老母我伯姊何為棄
養行相隨極知飢寒子良苦况乃寔安歸無期
翁今兒孫漸滿屋子亦八女肩相差歸囊羞澁
止有此世事乃尔真成癡渭陽老将如病驢肉
瘦到骨那能肥枯其戎豆不足較甥也幸有驛
驢姿丈夫豈合長貧賤今上御名句瑣細含酸悲天寒
霜勁路如掌矯首一望秋風嘶

吾家自曾高善積豈一日尔祖工辭章論議飽
小兒棊歸自宛陵喜甚成詩三十韻

經術我亦學予治少小子弄文筆汝兄今有兒東
髮行授室義方稍加訓書種恐未失汝亦千里
駒似有矜蹕質頃為國子弟兩戰一敗黜猶復
勝端舒不識六與七胡為久別離嘉月六換律
去時春氣溫飛鷺如點漆只今秋風高露草鳴
蟋蟀老眼望千里懷抱難盡述有時坐如癡經
月髮不櫛酒酸或忘飲客至亦懶出汝書江南
來歸計似可必翁也望汝懷疑有后皇橘奴婢
喜欲顛精繫治黍秫辛勤釀斗酒待汝解憂慄
訪蕙曰說鄉閭呼兒共梨栗念汝童稚時頃刻不

去聽况今待汝來時序恐凜凜竹輿聽伊啞雲
嶺走萃嶺吾無千金產遺汝使汝逸唯有翫散
文待汝成卷秩二事儻可了餘亦遑暇恆是時
新堂成小室頗溫密夜席然寒燈紅爐共佔畢
皇天既休老謝事即移疾汝當着歸鞭快馬追
健駟

次韻郭元壽泊舟琵琶亭下夜聞吹簫
舟在琵琶舊日亭玉簫更弄月朧明湓江故事
新歌曲便是香山此夜情

次韻元壽見贈

畫簷橫着小欄干看盡西來最好山帶雨楚江
依約處隔煙淮樹有無間已煩造物分幽趣合
就餘年了燕閑借使眼前無此妙可能不似鳥
知還

送元壽歸華亭

念昔得左魚相逢各萍梗我方事米鹽君亦厭
簿領豈曰吾無徒其實但弔影殷勤共杯酌邂
逅得俄頃坐中老於菟神色甚克悻一軀垂豕
腹兩眼脹怒猛酒行殊未闌幽事頗遭梗人生
聚散多快意復難送只今幾何時我居已深屏

君亦乘歸舟久別勞問省長言出新詩小酌供
畫永平生發硯刃妙割無肯綮豈容瓦釜傍卧
着函牛鼎廟堂重汲引盡取無短綆會當從隗
始豈復雜噲等願君飛尺書牢落慰晚景功名
要激昂人事勿暖冷為我謝黃郎無路勤造請
熟醉儻有味高卧不須醒仍煩織笄均奴丹砂寄
圓頂華亭出鶴

都倅壽詩

讀盡人間未見書幾曾回眼到園蔬文章筆下
飛雲錦今古胸中著石渠萬事要詢明伯始九

重應問馬相如明年我欲為公壽想得追鋒已
賜車

文石班中侍從聽如公真合在甘泉何由魏闕
催歸詔未到荊州去路邊分外寡求應是福靜
中有壽不須仙滿斟玉色長生酒爛醉廬峯五
老前

晚眺

望極應千里人家自一村客帆何處落隣碓隔
煙聞山自秋來瘦江從雨後渾平生幽獨意容
易却銷魂

九江木犀甚富而香亦奇絕江東所
無也

自從春去憶疎梅直到秋來數木犀不隔幽香
微雨細偏宜小樹夕陽低無詩可說難言態有
酒應須着意携家在江東若無此莫嫌為客在
江西

再賦木犀

新詩幾欲賦幽姿才淺真慙秃角犀未可便教金
粟盡直須看到玉蟾低風吹香去天誰管花趣
人來我自携不對此即時一醉空令墓上捐征西

再賦木犀

尋香剪得耐寒枝不羨晉園寶帶犀蟾桂自應
同臭味巖花未可較高低秋風易老空成恨佳
客無人莫謾携挽取芳條供燕坐絕勝騎馬號
安西

謝初居之惠桃竹杖

老翁年少白如玉初學裹頭雙鬢綠一心走覓
栗與梨兩脚登山健如鹿中年脚力驚早衰騰
蹕安得如兒時扶了持滿走避賊尚與箭鋒爭
疾遲如今老矣那忍說七十上身頭似雪年來

脚力何所似，鈍如罷牛跛。如鼈先生強欲相扶，
持贈我江心桃竹枝。竹夫人癡不解語，木上座
肯行相隨。况乃紫焰如削鐵，四十九層排玉節。
天公與我山作堂，水落霜空秋九月。與君共看
南山雲，安可一日無此君。

十月十七日大風約客登虎渡亭觀浪
人言今日下水風不可往也戲作此篇

長江水白光，搖空陽便侯欲與風爭雄。濤頭不受
水犀弩，鯨波欲卷馮夷宮。徑湏便入虎渡口，淨
洗平吞雲。夢曾人言上水得風浪，如屋下水得

風終少功，平生萬事盡難偶。政要東風渠不東，
江邊一笑良細事，而亦齟齬煩天公。兒時望事
到白首，事不如意十八九。不如快飲風流泉，夜
看青山銜北斗。

送楊師醇赴竟陵法官

平昔交遊未易論，世間誰復似君真。五斤判事
元無意，三尺從官政為貧。酒賤頗宜呼客飲，詩
成莫忘寄書頻。使君若問新堂老，今是開山第

一人時二妙已成
故有是句

次韻楊師古留別

寄食家鄉遠誰人肯見過江山來往數蘭玉弟
兄多可恨澆愁酒能催轉棹波幾時書到眼此
別意如何

晚思

灘沙露尾江水乾江洪束峽江流湍千山落木
風轉急萬里飛鴻天更寒暮雲政擁蒼玉玦落
日忽下丹砂盤他鄉久客去未得悠然東望心

悲酸

二妙堂望九十九峯雪
北風卷地天漫漫長空下舞千翔鸞天公吹絮

作飛雪大匠琢玉成群山南來西北折走
如連環斷如玦接天朝同一色雲映水夜伴中
宵月誰知三千大千界有此九十九峯雪人間
未見固難名天上有之那可說老夫才盡晚蓋
繆筆力應無此雄傑徐熙着色豈可畫大年小
景不足悅誰當貌此一段奇留與高堂洗炎熱
雪後步至江亭

老人携家無窟穴晚得一丘藏曲折今朝日出
天色佳拄杖來看山頂雪青山疊幾千峯桃
竹班三百節山晴顏色看轉好老健脚力殊

未竭出門暮色尚餘霞步到江亭已生月歸來
附火却闌門茶熟詩成意良悅客有勸我勿作
詩奈此江山兩奇絕捫鬚仰面看屋梁心自知
之口無說夫將此段付詩人世間那有閑風月

時宰生日詩五首并序

某伏遇太師公相慶誕之日忝出鈞播之下倍
增欣悅之情屬官守所拘越在江表不遑俯伏
槐庭仰伸燕賀下情徒切依戀謹薰沐撰成古
風五首敢聲愚表用祈遐壽竊惟太師公相妙
算無前度越百代豐功蓋世焜耀兩儀閱歲曾

不踰於千稔而禮樂修明庶事畢舉殊祥止瑞
汗簡迭書樂歲豐年諸道並奏至於鈞陳太微
星緯咸若比岳醫閭鬼神授職治効所臻曠古
以來所未嘗見往者愚不自揆固嘗屢草蕪
詞上塵鈞席既而思之太虛難於繪畫芻狗不
可再陳姑且置之不復敢道獨以謂大賢君子
間世乃生民之休戚實繫於斯非若鳳凰芝草
徒為美瑞而已故一章以紀誕彌之慶爰自上
世以逮中古相業相輝具載信史固亦多矣大
率不過好生惡殺以不戰為勝以銷兵為上太

師公相深得聖人好生之意以就神武不殺之功
故二章以明相術之要位莫隆於三公功莫盛
於姬旦圮上之書授之子房謂當為帝王師而
其功業甚卑未能去殺不足髣髴今日之盛然
則非體伊尹格天之德安能踵周公既醉之風
政三章以述盛德之功功高者位必大德盛者
慶必長今少保大觀文道德文章為世儒宗章
平之傳鄭武之詩不足少進流芳千載何有窮
極皆盛德至仁天為之報故四章以下累世之
休仲尼執魯國之政歸齊人之疆當時之人號

為聖相休兵而來生民奠枕方之聖相無少愧
焉然魯國之地不足以比大統之宋歸疆之功
未能成極治之隆功高位大無以復加唯有持
盈守成可以上迪吾君下濟斯民以永無窮之
休是為天下之公願故五章援聖相以明大功
允此五者雖不能事載其目物彰其美而不世
之勲難名之妙實在其中矣伏惟太師公相益
廣好生之德用昭不忍之心使薰然慈仁足以
轉一氣於洪鈞開八荒之壽域則天心克享壽
亦無窮其猥以庸才久陶大化敢忘僭置上瀆

威嚴伏惟鉤慈俯垂采覽不勝榮幸之至

皇天產萬彙瑣碎不足名青黃百草中幻作芝

九莖惡鳥不敢語紫鳳丹霄鳴尤物僅或出四

海稱隆平太史上圖牒后夔奏諛經豈如人中

瑞千載乃一生神嵩下蒼籙昂宿扶漢祗天亦

甚愛惜殷勤遺黎焚聖主答天意一酌尊老成

願公千斯年擁珮朝玉京

歷世由義軒百相標簡牘操術難具論大抵一

言足所尚必仁恩所禁在殺戮臯陶期無刑四

海自肅穆敷德益所翫坐使有苗服西都邾支

功蕭相不肯錄有唐未開邊宋璟乃當軸向來

多謬悠紛空食肉一言俞玉音萬竈休野宿

不戰乃為功休兵豈無福

維國有六職論道先三公魏嵒獨姬旦焜耀傳

無窮子房號賢傑妙筭無遺縱謂可為帝師授

書記上翁周公迓太平道與時適隆張侯策雖

奇未解銷兵戎太師回狂瀾僅在談笑中德業

與智謀誰能與公同疇人亦何知但說前無功
誰知公一德自與天潛通
種不當培根疏流必深源嘗聞活萬夫報在子

孫奕只今父子懿同拱義皇尊文方班馬富業
與臯夔倫奕，兩貂蟬煌，一朱門聖道家所
傳蘭樹俱有聞韋氏守一經事業不足論金張
誇富貴盛德無遺芬父師固難量有功在元，
為公祝遐壽千歲同風雲
魯人用真儒齊田歸鄆謹當時號聖相晏語甚
昭煥往者遭承平燕安嗟久玩三綱細盡解四
海兵幾半天戈不忍揮胡騎忽雲散功高陋古
今事易止朝旦方知今相聖難復與魯辨世罕
班馬流無言可稱缺員願公守成勳寶曆慶于萬

燕詞不足錄至意良可獻

客有以僕託病謝客者甲戌除夜作

夢中七十四番春謝客明年嬾見人已見天公
於我老若無官長怕誰嗔臘隨殘漏聲俱盡髮
共疎梅色鬪新招取雲山來一笑竹坡猶有此
閑身

初居之作亭山間名之以宜謂四時之
皆宜也其後寓安有亭未名居之使勝
以似宜寓安雖從之而其詩乃有未必
輸公之語氣似未平也寓安欲余賦詩

因為解紛且以見二公相忘之意

先生有亭宜四時乃使寓安名似宜寓安口諾
心未肯更欲老翁聊決疑老翁百事盡稱好一
生和羅常作椎况是宜亭頗靜秀乃聞說似宜尤
復奇兩山相望俱不惡二老較勝知何為會當
扶病躡屨疑携酒君家為君醉不知春事已過
眼但見此亭俱可意且對青山食蛤蜊一笑誰
能知許事

晚霽

效韋蘇州

重霧翳朝曉日相持決陰晴須臾忽戰勝日采中

天明積雪壓竹腰欲奔如垂旌冰凌既融液意
氣還崢嶸花木手新植未可分死生庶幾僵竹
根可与微陽爭况乃田畝間春事亦漸營新綠
染麩麥餘甘歸竹萌飽食遂可料聊助春山行
一晴亦細事繫我憂喜情吾詩不浪作有詩君
勿輕

寄題章漢直中虛堂

谷以虛而應樂以虛而出婦姑時勃蹊作室坐
自室天地猶橐籥用固不能屈學而不見道方
寸等暗室誰知道集虛通一萬事畢推此以遊世

於道乃其一異哉子章子妙悟造理窟何止孝
美身虛靜了不細願君師心齋守此能句失室
以虛生白水以正鑑物此意似太漫未免遭罵
詰我亦取斯言聊用自湔拂

太倉稊米佳本卷第四十

挽詞三十四首

徽宗皇帝挽詞二首

治格興王日功成定鼎年重新周制度盤盪有漢
山川寶墨星辰爛皇猷典誥傳小臣回老眼垂
泣望雲天

主器歸儲嗣神堯意獨高帝方遊赤水人已抱
烏號萬國瞻雙闕三山戴巨鼇固陵風雨夜松
栢謾蕭騷

吳師魯挽詞

少日詞華豹一斑暮年白髮老青山誰知筆下
三都賦不及人間五兩綸麟閣未輸前日恨鹿
門長享百年安他時隱逸書佳傳名在宗元李
孟間

唐隱士吳筠
謚宗老先生

王夫人挽詞

藁砧高義赫窮閭內子宜家協鳳占茶乳未容
收淨供蛛絲早已上香奩坐中有客思分鬢林
下無人解擬隨他日諸郎盡臺閣會刊佳傳賁
幽潛

徐夫人挽詞

蚤歲孀居婦職修凜然霜檜与爭秋木蘭女解
聽金柝共伯妻能賦柏舟寫誥一封身未享木奴
千樹子先侯可憐黃壤埋瓊玉十里虞賓滿
路愁

郝至之挽詞

不見平生郝甌山滿襟清淚只潜然少時挿架
空千軸老去看囊止一錢挈榼暗思携酒處跨
驢誰畫作詩肩當時刻鵠終成鷺唾面應須使
自乾

哭刘元素

前度刘郎跡已塵交親零落倍傷神
桃花句好人何在忍看風搖燕麥春
日飲無何自醉醒平生種、是真誠
不須私作門人謚君亦從來若畏名
中郎已老元無子靈運為僧只在家
斗酒隻鷄吾欲哭不知誰為作侯巴

刘元亢挽詞

交遊半作白頭新不見刘郎誰与親
東野命窮宜止尉少陵才健筆如神
皇天可是無公道齊世何由有若人
醉裏廣文渠不識可憐官長錯

相嗔

公坐官長之怒而死

悼友篇

王次卿

建炎三年冬胡騎方南驅王師一敗績
列戍如驚鳥賊將招叛亡操戈橫道隔
坐令江鄉地化作盜賊區平生金蘭友
之子真吾徒避地出三物夷險兩不渝
豈謂倉惶間遂有生死殊始時群盜未
未識安所趨但聞憂金革門外爭喧呼
捫蘿得微徑密雪方紛敷子時索我急
出門衝賊塗遲子久不至得報日已晡
夫婦俱見執檐簷入軍俘鬣、五兒
女飲泣声呱、小雛隨物

故跟蹌走大雛長女留軍中繼釋二小妹藉草
已信宿脫死許可圖賊意欲解縛小試聊躊躇
時方羽書至招諭陳嘉謨渠姦立授辭抗論苦
未俞命子使草檄操筆徒嗟吁謂言不事賊高
目桐髯鬚丈夫賤苟活請就斧鉞誅袒褐蒙殊
死肥白驚瓢壺其妻始就擒抱子俱沉濡牽挽
負殘息凍凌生羅襦時方燎濕薪四座圍諸
孤可憐玉雪姿不受蛇豕汗酒更有健卒提刀
血模糊聲言殺藁砧憂憤攪鬚鬚紆撫掌發浩歎
隕越不復甦夫義婦亦烈此事知久無自古肉

食者未必非女媿生無骨骸資含死餘金珠石
麟高崖我豐碑樹龜附生無征戰功和連巧規
摹誰知草棘中高義屬豎儒蔡琰既兩聘生子
留單于晚歲遭阿瞞愛暗存微軀蔚宗作佳傳
浪與烈女俱世無採詩官盛事空湮燕子死不
足惜會當逢董狐

詹伯尹挽詞二首 詹友端字伯尹

詹郎曾次有奇兵幾為樓蘭欲請纓四海眼高
空燕雀百年身老困鯢鯨跼鸞不用傷遺恨蒼
狗何嘗有定名勲業轉頭渾似夢却將五字作

長城
平生危論劇傾河應合飛騰上諫坡富貴軍
羶真夢耳死生名節奈君何欲求佳傳無千斛
但把清魂付九歌斗酒何時澆宿草西風老淚
不勝多

吳夫人挽詞二首

懿德閨房重高名遠近稱流年忽成夢素節尚
如冰法悟無生忍禪參最上乘應憐女博士空
近讀書燈
素幔秋風急烟岑曉月殘香沉金獸在鏡掩玉

臺寒恩已霑封誥人空委珮蘭他年作佳傳誰
為考幽刊

李卿挽詞 李侗字誘衷

東漢埋輪手開元御府卿名因射策早恩許過
家榮竟失鷄行舊日空垂馬鬣旌他時雙驥子萬
里是歸程

桐川太守母夫人挽詞

夫人無復擁魚軒旅櫬歸來倍黯然皂蓋朱轡
今有子布裙椎髻舊推賢餘哀盡入虞賓曲盛
事當隨列女編忽掩幽壙可無恨誥封生享更

高年

哭吳與行二絕 吳時字與行

李廣平生竟不侯
功名看得到鬢霜
秋學無西洛
時難偶人似南金
價未酬
投筆文場日未西
春蠶食飽速於飛
充庭不是
無前列從此沅江九
助稀

聞侯元進死二首

薄宦時難得餘生
老易分人言
侯叔起詩學鮑
參軍未補胃中線
空修地下文
欲尋高密路應
怕虎狼羣

君卧漳溪病相逢
特地歡句新
詩屢出談劇酒
頻寒夢作三春
別人成隔世
看無由
吊塵几
只有涕闌干

悼舒永豐

舒賓王字利用卒於信之永豐令

舒侯九秋鷹未奮
老拳翼平生
流輩中肯數程
不識庾公開幕府
少作九江客
風簷掛虛樓
夜月浮大白
飲氣吞江流
高談傾坐席
一朝胡塵
暗孤壘
困劇賊
蒙童浮江下
雲霧蔽天赤
坐中
嘅齒兒相視
無人色
手持白羽扇
奮身繼危壁
坐解兩家難
稍稍無勅敵
身幾落虎口
名不掛

賞籍鳥去良弓藏論功止投石歲晚猶折腰得
色亦甚僻似閩山中人盡飽太丘德官謗殊未
明此責詎可塞乃復令斯人含恨入窀穸風亭
分客袂僅作秋夏隔奪我玉面郎江湖坐愁寂
撫棺欲三號何由反鄉國

元具茨不起道州之疾哭之以詩元勳字不伐

一別魯山三歲餘西來消息未全疎白頭忍雪
春陵涕醉墨終乾廬阜書晚路得州真似斗平
生彈缺竟無魚漫郎猶有新詩在千古風流不
負渠

沈貴池挽詞沈肇字居述

澤宮當日喜逢君雞鶩初驚鶴在群果見廉平
清似水不嫌名宦薄於雲一區未買江邊宅三
尺誰澆隴上墳自古達人俱泯滅固應知有沈
休文

李使君挽詞三首李唐卿終於宣字

關中漕但見錢從池上流已報南來三月政為
寬北顧一時憂皇天自古無公道不遣郎潛到
白頭

溪頭萬杵響春雷
談笑爭看雉堞開
鼙鼓不須催
畫急麗譙疑復自
天來一樽誰酌
風前酒萬柳空垂
雪沒栽魯史書城
三十六不彈民力
獨公才使君投老
益精明三換魚符
寄一城漢相未曾
除郡守蜀祠空復
拜諸生他年宿草
人誰吊當日清泉
我作銘萬里巴江
消息斷不堪斜日
上寒旌

蔡氏夫人挽詞

夫人蔡天啓之妹

中郎文采照當年
婦德尤稱女第賢
長夜忽成

三尺隴異恩來自九重
天名留仙籍誰能見事
戴銘詩世謾傳想得伯
鸞鳥懷舊日恨摩挲歸
櫬涕潛然

方桐川挽詞

懋德守九相

善人淪沒意如何
細說平生恨轉多
此日飛騰只蘭省
當時准擬上鑿坡
十年猶記燕姬舞
一曲今悲鬼伯歌
欲問哭君多少淚
未能注海亦傾河

周修武挽詞

懶隨車馬着冠裳
便築華堂作醉鄉
遮眼不知

山幾疊供閑自有木千章平生陰德應無數他
日高門未可量我亦元非諛墓手斯文聊付起
家郎

弔孫雲老雲老少年謝去場屋詩甚高
而豪於飲

孫郎涉世似虛舟一醉從前萬事休千佛經中
無姓字八仙歌裏見風流清詩便與重泉隔客
淚空添晚歲愁隴上只今多宿草為君何地築
糟丘

哭二羅

靖仲共 疎叔共

平生交友懷三益晚歲悲酸弔二羅地下忽埋
雙白壁人間真是一南柯篇章零落知誰管人
物風流竟若何未有佳友雞澆斗酒空令老淚作
傾河

弔陳相之侍郎

疇昔相逢十載餘已驚白雪鬢疎
臨安初見公年
才四十餘鬢髮

俱長鳴本是空群馬入社猶為漏網魚醉倒湖
邊誰共酒別來江上苦無書風流文采今何在

只有傾河淚滿裾
相之詩甚工而名不在江
西詩社中故有漏網之句
九江道中弔趙溫叔

昔飲江南酒
劉郎鬢未華
無依憐晚歲
死賊痛
全家夢隔泉
臺久魂歸
故國賒與誰
山下路同
折凍梅花

